



სახელმწიფო შესყიდვების  
სააგენტოს თავმჯდომარის  
გ ა ნ კ ა რ გ უ ლ ე ბ ა



KA080131975617119

№ 3027

15 / ივლისი / 2019 წ.

**ამხანაგობა „ნიუ გრუფის“ შავ სიაში დარეგისტრირების შესახებ**

**შემსყიდველი ორგანიზაცია:** ხარაგაულის მუნიციპალიტეტის მერია;

**ტენდერის ნომერი:** NAT190004428;

**შესყიდვის ობიექტი:** 45200000 – მთლიანი ან ნაწილობრივი სამშენებლო სამუშაოები და სამოქალაქო მშენებლობის სამუშაოები;

**მიმწოდებელი:** ამხანაგობა „ნიუ გრუფი“ (ს/ნ: 205340503);

**წერილობითი შეტყობინების საფუძველი:** სახელმწიფო შესყიდვის შესახებ ხელშეკრულებით ნაკისრი ვალდებულებების შეუსრულებლობა.

**აღწერილობითი ნაწილი**

**1. ადმინისტრაციული წარმოების დაწყება**

1.1. სახელმწიფო შესყიდვების სააგენტოში 2019 წლის 10 ივნისს წარმოდგენილ იქნა ხარაგაულის მუნიციპალიტეტის მერიის 2019 წლის 10 ივნისის 49/3246 წერილობითი შეტყობინება (რეგისტრაციის №6140), რომლითაც სააგენტოს ეცნობა ამხანაგობა „ნიუ გრუფის“ (ს/ნ: 205340503) მიერ NAT190004428 ელექტრონული ტენდერის საშუალებით დადებული 2019 წლის 21 მარტის № 60 სახელმწიფო შესყიდვის შესახებ ხელშეკრულებით ნაკისრი ვალდებულებების შეუსრულებლობის თაობაზე.

1.2. სააგენტომ ამხანაგობა „ნიუ გრუფის“, სახელმწიფო შესყიდვების ერთიან ელექტრონულ სისტემაში მის პროფილში მითითებული ელექტრონული ფოსტის მისამართის [ltnewgroup2018@gmail.com](mailto:ltnewgroup2018@gmail.com) მეშვეობით, 2019 წლის 11 ივნისის № 2166 წერილით აცნობა სააგენტოში შემსყიდველი ორგანიზაციის წერილობითი შეტყობინების წარმოდგენის თაობაზე და, სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-5 მუხლის მე-5 პუნქტის შესაბამისად, სთხოვა ხსენებულ საქმეზე წერილობითი განმარტების წარმოდგენა. მიმწოდებელს განმარტება არ წარმოუდგენია.

**2. შემსყიდველი ორგანიზაციის პოზიცია**

შემსყიდველი ორგანიზაციის წერილობითი შეტყობინების თანახმად, მიმწოდებელს, 2019 წლის 21 მარტის №60 სახელმწიფო შესყიდვის შესახებ ხელშეკრულების საფუძველზე, ხელშეკრულების გაფორმებიდან 2019 წლის 30 მაისის ჩათვლით, უნდა შეესრულებინა ხარაგაულის მუნიციპალიტეტის სოფელ დეისში მე-2 უბნის გზის რეაბილიტაციის სამუშაოები. ხელშეკრულების ღირებულებად განისაზღვრა 100 000 ლარი, ხოლო მოქმედების ვადად – 2019 წლის 31 დეკემბერი. მიმწოდებელმა არ შეასრულა ხელშეკრულებით ნაკისრი ვალდებულებები, რის გამოც, ხარაგაულის მუნიციპალიტეტის მერიამ 2019 წლის 4 ივნისის № 49863 ბრძანებით ცალმხრივად შეწყვიტა მხარეთა შორის გაფორმებული 2019 წლის 21 მარტის №60 სახელმწიფო შესყიდვის შესახებ ხელშეკრულება და ამხანაგობა „ნიუ გრუფის“ დააკისრა პირგასამტეხლო 6 700 ლარის ოდენობით.

**3. მიმწოდებლის პოზიცია**

მიმწოდებელს ადმინისტრაციული წარმოების ფარგლებში განმარტება არ წარმოუდგენია.

#### 4. სააგენტოს მიერ დადგენილი გარემოებები

4.1. 2019 წლის 28 თებერვალს ხარაგაულის მუნიციპალიტეტმა გამოაცხადა NAT190004428 ელექტრონული ტენდერი გზატკეცილების, გზების მშენებლობის, საძირკვლის მომზადებისა და ზედა ფენის გადაგების სამუშაოების (CPV45233000) შესყიდვის მიზნით.

4.2. სატენდერო კომისიის 2019 წლის 15 მარტის №2 სხდომის ოქმით ამხანაგობა „ნიუ გრუფი“ (ს/ნ: 205340503) გამოვლინდა გამარჯვებულად და მიწვეულ იქნა სახელმწიფო შესყიდვის შესახებ ხელშეკრულების გასაფორმებლად.

4.3. 2019 წლის 21 მარტს მხარეთა შორის გაფორმდა №60 სახელმწიფო შესყიდვის შესახებ ხელშეკრულება, რომლის საფუძველზეც, მიმწოდებელს, ხელშეკრულების გაფორმებიდან 2019 წლის 30 მაისის ჩათვლით, უნდა შეესრულებინა ხარაგაულის მუნიციპალიტეტის სოფელ დეისში მე-2 უბნის გზის რეაბილიტაციის სამუშაოები. ხელშეკრულების ღირებულებად განისაზღვრა 100 000 ლარი, ხოლო მოქმედების ვადად – 2019 წლის 31 დეკემბერი.

4.4. 2019 წლის 17 მაისის №1 შეთანხმებით მხარეებმა ცვლილება შეიტანეს ხარჯთაღრიცხვაში.

4.5. შემსყიდველი ორგანიზაციის 2019 წლის 10 მაისის №49/2599 წერილიდან ირკვევა, რომ მიმწოდებელმა დაარღვია გეგმა-გრაფიკი, რის გამოც, მას ეკისრებოდა პირგასამტეხლო ყოველ ვადაგადაცილებულ დღეზე, ხელშეკრულების ღირებულების 0,1%-ის ოდენობით.

4.6. კონტროლის ჯგუფის 2019 წლის 30 მაისის დასკვნის, ასევე ხარაგაულის მუნიციპალიტეტის მერიის ინფრასტრუქტურისა და კეთილმოწყობის სამსახურის ხელმძღვანელის 2019 წლის 3 ივნისის № 829-49 მოხსენებითი ბარათის თანახმად, მიმწოდებელს სამუშაოების შესრულება არ დაუწყია.

4.7. ხელშეკრულებით ნაკისრი ვალდებულებების შეუსრულებლობის გამო, ხარაგაულის მუნიციპალიტეტის მერიამ 2019 წლის 4 ივნისის №49863 ბრძანებით ცალმხრივად შეწყვიტა მხარეთა შორის გაფორმებული 2019 წლის 21 მარტის № 60 სახელმწიფო შესყიდვის შესახებ ხელშეკრულება და ამხანაგობა „ნიუ გრუფს“ დააკისრა პირგასამტეხლო 6 700 ლარის ოდენობით.

#### სამოტივაციო ნაწილი

##### 5. შემაჯამებელი დასკვნა

საქმეში არსებული მტკიცებულებებისა და გარემოებების შეფასებისა და ურთიერთშეჯერების საფუძველზე, სააგენტო მიიჩნევს, რომ ამხანაგობა „ნიუ გრუფი“ უნდა დარეგისტრირდეს შავ სიაში.

##### 6. გამოყენებული სამართლებრივი აქტები

სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესი და პირობები“.

##### 7. სამართლებრივი შეფასება

7.1. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-3 მუხლის მე-4 პუნქტის „ბ“ ქვეპუნქტის თანახმად, სახელმწიფო შესყიდვის ნებისმიერი საშუალებით განხორციელებისას, გარდა კონსოლიდირებული ტენდერისა, პრეტენდენტის/მიმწოდებლის შავ სიაში დარეგისტრირების საფუძველია, თუ მიმწოდებელმა ვერ შეასრულა ან არაჯეროვნად შეასრულა ხელშეკრულებით ნაკისრი ვალდებულებები. იმავედროულად, აუცილებელია, რომ ხელშეკრულების მოქმედების ვადა იყოს გასული ან ხელშეკრულება ვადაზე ადრე იყოს შეწყვეტილი.

7.2. იმავე წესის მე-7 მუხლის მე-2 პუნქტის შესაბამისად, საქმეში არსებული გარემოების გამოკვლევის, შეფასებისა და ურთიერთშეჯერების შედეგად, სააგენტო ადგენს, არსებობს თუ არა პრეტენდენტის/მიმწოდებლის შავ სიაში დარეგისტრირების საფუძველი. იმ შემთხვევაში, თუ არსებობს ამ მუხლის მე-4 პუნქტით გათვალისწინებული გარემოებები, სააგენტო იღებს გადაწყვეტილებას პრეტენდენტის/მიმწოდებლის შავ სიაში დარეგისტრირებაზე უარის თქმის შესახებ, ხოლო იმ შემთხვევაში, თუ არსებობს პრეტენდენტის/მიმწოდებლის შავ სიაში დარეგისტრირების საფუძველი, სააგენტო, ამ მუხლის შესაბამისად, იღებს გადაწყვეტილებას პრეტენდენტის/მიმწოდებლის გაფრთხილების ან შავ სიაში დარეგისტრირების შესახებ.

7.3. მოცემულ შემთხვევაში, დგინდება, რომ მიმწოდებელმა არ შეასრულა 2019 წლის 21 მარტის № 60 სახელმწიფო შესყიდვის შესახებ ხელშეკრულებით ნაკისრი ვალდებულებები. ამდენად, სახეზეა მიმწოდებლის გაფრთხილების ან შავ სიაში დარეგისტრირების წინაპირობა.

7.4. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-3 პუნქტის შესაბამისად, გაფრთხილების ან შავ სიაში დარეგისტრირების შესახებ გადაწყვეტილების მიღებისას, სააგენტო, საქმისთვის მნიშვნელობის მქონე გარემოებებთან ერთად, დამატებით ითვალისწინებს დარღვევის

სიმძიმეს, პრეტენდენტის/მიმწოდებლის მანამდე მიღებული გაფრთხილების თუ შავ სიაში რეგისტრაციის ფაქტ(ებ)ს, მისი სახელმწიფო შესყიდვებში მონაწილეობის აქტივობას.

7.5. აღსანიშნავია, რომ ამხანაგობა „ნიუ გრუფს“ (ს/ნ: 205340503) 2018 წლის 4 ოქტომბერს მიეცა გაფრთხილება NAT170007989 ელექტრონული ტენდერის საშუალებით დადებული სახელმწიფო შესყიდვის შესახებ ხელშეკრულებით ნაკისრი ვალდებულებების არაჯეროვანი შესრულების გამო, ხოლო 2019 წლის 28 მაისსა და 5 ივლისს მიმწოდებელი დარეგისტრირდა შავ სიაში NAT170008723, NAT190003727 და NAT190003733 ელექტრონული ტენდერების საშუალებით დადებული სახელმწიფო შესყიდვის შესახებ ხელშეკრულებებით ნაკისრი ვალდებულებების არაჯეროვანი შესრულების გამო.

7.6. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 პუნქტის თანახმად, შავ სიაში დარეგისტრირების შესახებ გადაწყვეტილება მიიღება იმ შემთხვევაში, თუ შემსყიდველი ორგანიზაციის მიერ წარდგენილი ინფორმაცია სრულად აკმაყოფილებს ამ წესის მე-3 და მე-4 მუხლებით განსაზღვრულ მოთხოვნებს და არ არის სახეზე შავ სიაში დარეგისტრირებაზე უარის თქმის ან გაფრთხილების საფუძველი.


7.7. სააგენტო მიიჩნევს, რომ შემსყიდველი ორგანიზაციის წერილობითი შეტყობინება აკმაყოფილებს ზემოხსენებული წესის მე-3 და მე-4 მუხლებით განსაზღვრულ მოთხოვნებს. ამასთან, სახეზეა მიმწოდებლის შავ სიაში დარეგისტრირების წინაპირობა და არ არსებობს მისი შავ სიაში დარეგისტრირებაზე უარის თქმის ან გაფრთხილების საფუძველი, რადგან მიმწოდებელმა არ შეასრულა ხელშეკრულებით ნაკისრი ვალდებულებები. შესაბამისად, მოცემული დარღვევის, ასევე მიმწოდებლის მანამდე არსებული გაფრთხილებისა და შავ სიაში რეგისტრაციის ფაქტების გათვალისწინებით, ამხანაგობა „ნიუ გრუფი“ უნდა დარეგისტრირდეს შავ სიაში.

### სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 პუნქტით და დაადგინა:

1. ამხანაგობა „ნიუ გრუფი“ (ს/ნ: 205340503) 2019 წლის 16 ივლისს დარეგისტრირდეს შავ სიაში.
2. ამ განკარგულების აღსრულება დაევალოს სახელმწიფო შესყიდვების სააგენტოს ინფორმაციული ტექნოლოგიების დეპარტამენტს.
3. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დავით აღმაშენებლის ხეივანი, მე-12 კმ, №6), კანონმდებლობით დადგენილი წესით.

თავმჯდომარე



ლევან რაზმაძე